

Hymnus

V  
A NGELORUM hominumque factor et dispositor,  
immo rerum quarumcumque tam rector quam conditator,  
id, quo vivit, quisque perdit Tu- æ laudis immemor.  
Illi sursum, hi deorsum  
iuges agant gratias,  
cæli summa, terræ ima  
laudes reddant consonas,  
nullas laude fas sit esse  
partes mundi vacuas.  
Nullum tempus, nullus locus  
creatoris omnium  
laude vacet, cuius numquam  
cessat beneficium,  
malis quoque quibuscumque  
finem servans optimum.  
Quam felices supernorum  
agminum exercitus,  
quorum summum regem Deum  
Sabaoth Te dicimus!  
Pollet in his proeliator  
Michaël magnificus.  
Quo pugnante cum dracone  
fit in cælo prærium,  
donec ille pulsus inde  
casum ferat maximum,  
atque Tibi persolvatur  
gratiarum canticum:

Facta salus est et virtus,  
regnum et potentia  
Dei nostri, Patris Christi,  
pulsa iam nequitia,  
fratres nostros incessanter  
accusare solita.

Quis ut Deus, tam virtute  
protestans quam nomine,  
hic bellator Dei fortis  
et contritor satanæ,  
intumentem calcans anguem  
os transfigit cuspide.

Huius nobis bellatoris  
opem postulantibus,  
quos infestat incessanter  
idem adversarius,  
nostra, Deus, spes et salus,  
non differri quæsumus.

Quo pro nobis dimicante  
victus cedat zebulus  
et cum suis hoc expulso  
pravis satellitibus  
mens quieta Tibi vacet  
et exsultet spiritus.

Ex quo, per quem, in quo cuncta,  
perpes Tibi gloria.  
Cuius regnum sine fine  
regna regit omnia.  
Ad adventum cuncta Tuum  
disponuntur sæcula. **R** Amen.